

“Ban canta y siña toca cuarta” cu Maybelline Arends-Croes na Scol di Arte

FOR di dia 27 di april, sra. Maybelline Arends-Croes den cooperacion cu UNOCA lo ofrece na Scol di Arte na San Nicolas, tur diarazon mainta, un workshop di 10.00 pa 11.30, cu lo dura 8 siman. Den un ambiente relaha, interesadonan lo haya oportunidad pa siña toca cuarta basicamente y tambe ricibi algun tips di canto.

Pa locual ta trata e persona cu ta bay duna e workshop, por bisa en corto lo siguiente:

Maybelline Arends-Croes a termina conservatorio na Hulanda. A traha como docente di musica pa 5 aña na Arubaanse Muziekschool, 40 aña na Colegio Arubano y na IPA.

A duna les na lidernan di Tra'i Merdia y diferente tayer pa maestronan di scol.

Tambe Maybelline a guia diferente coro y ta activo ainda cu su propio dos coronan.

Diferente composicion, cd y publicacionnan e tin riba su nomber y ademas Maybelline a contribui grandemente na festival, celebracionnan nacional y representacionnan.

Pa por duna tur hende debido atencion lo tuma maximo 10 persona p'e tayer aki.

Por yama Scol di Arte na tel. 584-9168 desde awe caba pa inscribi. Corda bon: “Esun cu yega prome ta bebe awa limpi!!!”

Aruba, esaki ta un bon oportunidad pa siña for di Maybelline Arends-Croes cu su experiencia amplio den un ambiente relaha y dushi.....